



N°832  
Entrée le 31.05.2024  
Chambre des Députés  
Déclarée recevable  
Président de la Chambre des Députés  
(s.) Claude Wiseler  
Luxembourg, le 03.06.2024

Claude WISELER  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 31/05/2024

Här President,

**Sou wéi den Artikel 80 vun eisem Chambersreglement et virgesäit, biede mir lech, dës parlamentaresch Fro un d'Ministere fir den Interieur & Justiz weiderzeleeden.**

Kandsmësshandlung ass een eescht Thema an eis Gesellschaft muss versichen, fir all Form vu Gewalt géint Kanner z'entdecken, ze verhënneren oder ze bestrofen. An engem moderne Rechtsstaat ass d'Justiz dofir zoustänneg, fir dass dat geschitt.

An deem Zesammenhang wéilte mir de Ministeren dës Froe stellen:

1. Wéi vill Plaintë wéinst Abus géint Mannerjäreger (opgelëscht no der Form vun Abus, z.B. Abus sexuel, violence, négligence) sinn an de leschte 5 Jore bei der Police an der Justiz agaangen?
2. Wéi vill vun dësen Affaire sinn ouni weider Suite klasséiert ginn?
3. Wéi laang dauert et am Schnëtt vum Erareeche vun der Plainte bis den Dossier bei der Police evakuéiert gëtt (weidergeleet un de Parquet)?  
Wéi laang dauert et am Schnëtt vum Erareeche vun der Plainte bis den Dossier beim Parquet evakuéiert gëtt (klasséiert gëtt oder an enger Geriichtsaffär lant)?
4. Wéi vill Persoune sinn aktuell beim SCAS agestellt a wéi eng Servicer existéieren hei? Wéi huet sech d'Unzuel vun de Persoune an dëse Servicer tëschent 2018 an haut entwéckelt?
5. Wéi sollen sech d'Servicer beim SCAS personell an organisatoresch an deenen nächste 5 Jore entwéckelen (wéi eng weider Aufgabe soll de SCAS an Zukunft erfëllen a mat wéi vill Persoune soll dat geschéien)?

Mat déiwem Respekt,



[www.piraten.lu](http://www.piraten.lu)

---



CLEMENT Sven  
Deputéierten



POLIDORI Ben  
Deputéierten

